

.xxvii. ITEM ALIA .

Factum est autem postquam
emundasset iesus templum suum ab omnibus scan-
/56v/dalis . accesserunt ad eum caeci et claudi et omnes male
habentes et sanauit eos . Uidentes autem principes
sacerdotum et scribae mirabilia quae fecit . et pue-
ros clamantes in templo et dicentes . Ósanna filio
dauid indignati sunt et dixerunt ei . Audis quid
isti dicunt? Principes et scribæ et pharisei et inuidi
iudaei . doemones significant . qui semper cupiunt
nocere laudantes et magnificantes deum . Pueri
autem clamantes in templo . demonstrant sacerdo-
tes . qui semper laudant uoce magna dominum . Iesus autem
dicit illis . Vtique . Non legistis quod scriptum est in lege?
quia ex ore infantium et lactantium perfecisti laudem .
O quam moderata est respontio . patientiam quæ ab
omnibus tenenda est contra inuidiam demonstrans .
non dixit quod scribæ audire ab eo cupiebant . ut di-
ceret . Benefaciunt pueri . ut mihi testimonium perhi-
beant . nec rursus dixit quia pueri sunt debetis ætati
ignoscere . non duo hæc protulit quæ audire cupie-
bant . sed exemplum de octauo psalma monstrauit .
ut tacente domino testimonium scripturarum . puerorum
dicta firmaret . Hieronimus dicit . Plerique arbitrantur
maximum signorum esse quod lazarus suscitatus est . quem
saluator iam quattuor dies in monumento haben-
tem uerbo tantum suscitauit dicens . Lazare ueni
foras . et statim prodiit qui fuerat mortuus ligatis
pedibus et manibus . et dixit iesus . Soluite eum et sini

te abire . et statim exiit sanus in domum suam .
Alii putant maximum esse quod qui cæcus natus est
/57r/ ex utero lumen acceperit . faciente domino lutum exspuito
in terra . et liniuit lutum super oculos eius dicens .
Uade et laua in natario syloe abiit ergo et lauit .
et uenit uidens et credidit deo . et iterum alii est
mabant . quod ad iordanem uox audita sit patris
baptizato domino dicentis . Hic est filius meus dilectus .
in quo mihi bene complacui ipsum audite . Et rursum
quod assumpto petro et iacobo et iohanne secum
in montem excelsum seorsum . gloriam ostenderit
triumphantis . et resplenduit facies eius sicut sol .
uestimenta autem eius facta sunt alba sicut nix .
et ecce apparuit eis moyses et helias cum eo loquen-
tes . Ut autem aposto`lo`rum augeret fidem et firmiter
crederent in eum . Hoc dedit iesus signum de cælo .
Helia inde descendente quo conscenderat . et moy-
se ab mferisⁱ resurgente quo exierat . quod per isaïam
prophetatum est dicentem pete tibi signum a domino deo
tuo in profundum mferniⁱⁱ . siue in excelsum supra .
Michi autem hoc uidetur esse mirabilius inter omnia
signa et mirabilia quę fecit quod unus homo et in illo
tempore in iudæis contemptibilis . ut postea ab eis
crucifixus est . Potuerit de uno flagello tantam
eicere multitudinem . mensasque subuertere . ca-
thedras confringere . et alia facere quę infinitus
non fecisset exercitus . Nimirum . species enim ignea
atque caelestis radiabat ex oculis eius . et diuinitatis
maiestas fulgebat in facie terribiliter contra iudæos .
Colligerunt ergo pontifices et pharisæi concilium
/57v/ et dicebant . quid facimus quia hic homo multa sig

na facit? si dimittimus eum sic . omnes credent in eum .
et uenient romani . et tollent nostrum locumⁱⁱⁱ et gentem .
Unus autem ex ipsis caiphas cum esset pontifex anni
illius et dixit eis . Vos nescitis quicquam nec cogita
tis . quia expedit uobis ut unus moriatur homo
pro populo . et non tota gens pereat . Hoc autem a se
metipso non dixit . sed cum esset . pontifex anni illius
prophetauit . quia iesus moriturus erat pro gente .
et non tantum pro gente . sed ut filios dei qui erant
dispersi congregaret in unum . Ab illo ergo die . cogita
uerunt ut interficerent eum . Iesus autem relictis
illis abiit foras extra ciuitatem usque in betha
niam . Hoc autem intelligendum est fratres karissimi et re
uelandum . quod tantę in illo die fuerit pauper
tatis . ut in urbe maxima nullus eum ciuium susce
perit hospitem . Nullamque mansionem inuene
rit in ea . et tamen nulli eorum adulationem fece
rit . Vt non mala sua illis annuntiaret . et quod
eis perficeret ad salutem . Hoc quidem sacerdotibus
prefigurans ac demonstrans . ut licet munera
et dona principum ammitterent . non permitescant
uera illis annuntiare . nec sileant dicere quę
proficiant eis ante tribunal christi in die iudicii .
Ibique mansit . Id est apud lazarum sororesque eius .
quem pridie a morte suscitauerat . quia in israel perma
nere non potuit . Hoc quidem significans . quod
gentiles relictis iudeis ex tunc conuerteret
/58r/ ad fidem . Sicut alibi scriptum est . Quando conuer
sa fuerit multitudo gentium . tunc omnis israel saluus
erit . Hoc quoque sciendum est fratres karissimi . quod mystice
surrexit iesus hodie a bethania . et iterum rediit ad

eam . Quia bethania domus oboedientię interpre
tatur . hoc quidem significat quod semper deside
rat permanere in corda subiectorum . et requiescere
in illis . Et ideo oportet nos bethaniam semper esse
deo . Id est domum oboedientię . ut semper nobiscum
maneat semper in nobis habitet . Sicut apostolos
ait . Templum dei uiui estis . et spiritus sanctus habitat
in uobis . Haec nobis prestare dignetur sal
uator mundi . qui cum patre et spiritu sancto uiuit et reg
nat . in saecula seculorum . amen .

ⁱ mferis] *sic pro inferis*

ⁱⁱ mferni] *sic pro inferni*

ⁱⁱⁱ locum] *corr. from locam*